

~~Geschichte~~

~~II~~


~~III~~

3:00

~~Weg~~

Weg

B. 728.
(1-41).



3
Wahrhaftige neue Zeitung!

Von einer grossen/ vnd

zuuor/ weil die Welt gestanden/ nicht erhör-

ten Wunderthat: Wie Gott der Allmechtige einem ar-

men Menschen/ wonhafft inder Stadt Kaurchim/ im Königreich

Beheim / fünff Meil von Prag gelegen / da er seiner Kinder

hungers halben / bey einer Strassen in der Erden Laim

graben wolte/ gar ein schönes Meel erzeiget hat/

Daraus viel Leut gut Brod gebachen/ auch

Knödel vnd Brey den Kindern gekocht

haben/ In diesem jertlauffenden

1590. Jar / den 22. tag

Maj.




Wer Gott vertraut/
Hat wol gebawt.



Geistliche Hirtenschnur

Das Buch der Psalmen

Das Buch der Psalmen ist ein Buch der
Heiligen Schrift. Es besteht aus
150 Psalmen. Die Psalmen sind
Lieder, die David geschrieben hat.
Die Psalmen sind in fünf Bücher
unterteilt. Das erste Buch hat
113 Psalmen, das zweite 73,
das dritte 53, das vierte 30
und das fünfte 19. Die Psalmen
sind in drei Gattungen unterteilt:
Lieder, Weisheit und Psalmen
David.



Das Buch der Psalmen



D S nimpet manchen Wunder, wie die Armen leben im Hunger. Vnd des verwundern sich am meisten die Leute/die da keinen/oder ja kleinen Glauben haben/das Gott der Herr Allmechtig sey/Sonder viel mehr verhoffen auff ihre mühe vnd Arbeit/denn auff die Hülff vnd Segen Gottes/ Darvon doch genugsam in der heiligen Schrift stehet: Ist nicht der Joseph in Egypten auß grosser Armut erhöht worden? Der Prophet Elias von Raaben in der Wüsten gespeist? Dantel auch in der Gruben zwischen den Löwen/durch den Engel Gottes vom Habas euck gesettiget? Item das ganze Volk Israel/deren vber die sechs mal hundert Tausend gewesen/hat Gott mit Hilmelbrodt vierzig Jarlang in der Wüsten gespeiset. Vnd wer kan alle grosse Wohlthaten erzehlen/die Gott der Allmechtige von Anfang ie vnd allezeit den Armen/als ein Vatter den Kindern/erzaget.

Diese vnaussprechliche Barmherzigkeit/hat er auch/wegen erstarrter Geizigkeit vieler Leut/in diesem 1590. Jahr/an einem armen vnd einfeltigen Mann bewiesen/ Also: Es wohnte ein Gottsfürchtiger Arbeitsamer Mann/mit namen Niclas/bey der Stadt Kaurchim/in Königsreich Böhheim/fünff Meil von Prag gelegen/bey einer Witsfrawen/Anna Strezelckin genant/mit seinem Ehemweib/vnd drey kleinen Kindlein/ Der hat nun armut halben nichts mehr gehabt/dann sieben kleine Pfennig/mit denen gieng er den zwölfften Meil frühe in die Brodbencke/vnd kaufte darfür ein Laiblein Brodt. Vnd da er widerumb heim gieng/gedacht er vnterwegs gar oft bey im selbst/wie er sich weiter mit den Kindern vnd Weibe erhalten würde/bleweil das Brodt so klein sey/vnd gross Thewrung hereinffelle/derhalben ruffet er mit seuffzen zu Gott dem Herrn/
A ij Das

Das er sie alle gnediglich erhalten vnd ernehren wolte. Als er nun das Brodt vnter ihnen getheilt hat/ vber ein kleine zeit begerten die Kinder widerumb zu Essen / Er aber hatte kein Gelt mehr/sondern schickte sein Weib auß / weil die bekandt war/sie solte etwa Brodt auffborgen/ Vnd da sie hinglang/ fonde sie nichts außrichten / muste also mit leeren Henden heim kommen/ Der Man aber tröstet sie alle/ sie solten nicht verzagen / vnd ein wenig gedult tragen / er vertraut Gott dem Herren / das er sie bald / ehe sie vermeinten/ versorgen würde/ Darauff gedacht er bey im selbst/ das er wolt außgehen/ den Laimen graben/ vnd den Haffnern/oder ins Dorff/ den Bawren vmb Brodt/ oder vmb Gelt geben / dafür er den Kindern etwas kauffen möchte. In dem nam er ein kleines Häcklein / vnd gieng auß der Seade nicht weit von einem Dorff / Stretzebohle genanne / biß zum Hoff Johann Brautscheck/ das zu der Stadt Kaurchim gehöre/ Vnd da er auff die Strasse kam / zwischen zwey äcker / einer des gemelten Johann Brautschen / vnd der ander des Herrn Johan Lana von Barwaschoff/ Keisers Richtern in der Stat Kaurchim / allda sucht er bey der strassen den Laimen/ vnd blieb zwey oder drey mal mit dem Häcklein in die Erden/ da fielen heraus vier grosse stück/ einer schneeweissen materi/ die nam er als bald/ vnd bracht es dem Weib zu Haus/ das sie das irgeadt fürs Brod geben solt/ Welche gieng hin/ vnd zeigte es jederman/ vnd blieb gar lang auß / denn die Leut darüber sich verwunderten / Vnd etliche erkandten/ das die Materi gar ein herrlich gut Meel war/ Vnter des/ wie der Man selones Weibs nicht kund erwarten/ auch gedanken halben kein ruh gehabt/ gieng widerumb hin/ vnd nam mit sich ein grosses Tuch/ Vnd da er widerumb ein wenig gegraben/ hat er viel solcher weissen Materien gefunden / Als dann leget er sie in das Tuch / vnd ehe ers hat recht angefangen hinzulegen/ wie er selbst angezeiget/ so war das Tuch gar vol / welches

ches er auff die Achsel genon: men/ vnd helm getragen / Da
er nun zu Haus kam / zeigt ihm seine Frau an / das es kein
Laim were / sondern ein gutes Meel / Das hat er dann viel
Leuten gewisen / die es auch für Meel erkandten / Etliche ha-
ben auch ganze stück von im gekaufft / vnd dar auß Brod ge-
backen / andern Leuten mit getheilt / welches auch etliche Hero-
ren des Raths gessen haben / Davon sind auch Knödel / vnd
für die Kinder Brey gekocht worden. Das Brodt ist gang
weiß / vnd hat einen guten geschmack / vnd reucht wie die
Feyelwurzel.

Vnd da die Sache also an Tag kam / gieng viel volcks
hinauß / vnd befundens also / wie inen der arme Man zuvor
hett angezeigt. Die Verwalter aber der zweyen Ecker bes-
sorgten sich / das ihnen die Leut am Getreid schaden thun
möchten / haben derhalben alsbald den Ort vnd die Graube
verworffen / vnd grosse Zeun herumb auffrichten lassen.

Nichts desto weniger kompt viel Volcks auß den umb-
liegenden Steden / Märkten vnd Dörffern dahin / vnd gra-
ben bey den Eckern kleine vnd grosse stück / Etliche Arme vers-
samen es in die Fässer. Das Meel behelt nichts vnreines
bey sich / weder die Erden noch den Laimen / sondern felt alles
von im ab / Vnd ist etwas feucht / helt sich auch so lang bey-
samen / biß es an die Sonnen kompt / Den frommen / vnd sons-
derlich armen Leuten zu nutz / dann sie sich / sampt iren Kins-
dern davor enthalten. Leichtfertigen aber vnd spöttischen /
alsbald sie es in die Hand nemen / verkehrt es sich in die stein
oder in einen Sand. Vnd wenn mans auff die Erden lest
fallen / so bleibet die statt da es hinfelt / gar weiß darvon.

Diß Meel ist auch gen Prag gebracht worden / so ist
auch zu Steinen worden / wie bey den spöttischen vnd leicht-
fertigen Leuten geschehen / Vnd da es die Reichen außgras-
ben haben / gleicher gestalt zu Steinen worden / aber den Ara-
men / dürfftigen / ist es herrlich gut Meel gewesen.

A ij Vom

Von solcher Wunderthat Gottes / Ist nie nichts / well
diese Welt gestanden / gehöret noch erfahren worden / sondern
durch andere Mittel hat Gott der HERR in Thewrer zeit
die Armen erhalten: Als da im Jar 1571. ins Land zu Bes
heim / vnd in andere Lender grosse Thewrung kam / vnd die
Armen mit weinenden Augen ire Kinder mussten ansehen /
dann sie hatten nichts zu Essen / Vnd die etwas hatten / dem
andern nicht mittheilen wolten: Da hat Gott der HERR /
als ein barmherziger Vater / seiner Creatur den 26. Junij
in der Nacht / Speiß geschickt / Also das in der Schlesing /
vmb die Stede Laimberg / Hirschberg / Lauben / vnd in Bes
heim bey der Leipe / auch anderswo / da die Leut frö aufgestan
den / auff den Wiesen vnd Gärten ein schönes Getreid / als
Korn / Weitz / Erbes vnd Ruben gefunden / welches die Ar
men auff's fleißigest gesamlet / Vnd da sie Brod dauon ges
bachen / hat ihnen Gott der HERR das gesegnet / das auß
ein wenig vil gewachsen / welches auch süßer war / denn das
ander gemein Brod. Zum Barzeichen / hat man auch dara
von Keyser Maximilliano dem Andern des Namens / hoch
löblichen Christfettiger gedechtnis / ein grossen Laib Brode
gen Prag gebracht / welches ihr Keyserlich Mayestat / sampt
etlichen Rätthen / vnd andern / gessen haben.

Jesusd aber / wiewol vns Gott der HERR etlich Jar
lang nach einander / mit vilerley beschwerungen heimsucht /
Doch zeiget er an / das er vns nicht verlassen wil / wenn wir
an ihn recht glauben / mit bussfertigem Gemüte anrufen /
Vnd ob er gleich oben am Getreid kleine / oder wenig Frucht
sehen leisset / doch kan er inwendig vñ auß der Erden / vns ein
hülff geben / Wie allhie bey diesem Meel zu sehen / welches
etliche / sonderlich die reichen Leut / für Hüttenrauch / Bley
weiß / Kalk / vnd mancherley Sach halten / vnd den Armen
das außgraben verbieten / Doch kan sie der Almecht'ge Gott
wunne

wunderlich erhalten / vnd die Unglaubigen zu schanden
bringen / Wie auch allhier das Meel den leichtfertigen in
Stein vnd Sand sich verwandelt / den frommen vnd Gots-
fürchtigen Leuten aber / vmb erhaltung ihrer Leib / wie die bes-
ste Arzney zu nutz kompt.

Für solche grosse Wohlthat / auch vnaußsprechliche
Barmherzigkeit / die Gott der HERR je vnd
allezeit vns Armen auff dieser Erden er-
zeigt / sollen wir ihn loben vnd preisen /
hie vnd dort in Ewigkeit /
A M E N.



Erstlich gedruckt zu Augspurck / bey
Bartholome Käppeler Brieffmaler.
Anno 1590.

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.



Handwritten text, likely bleed-through from the reverse side of the page. The text is mirrored and difficult to decipher.



AB: 155589

ULB Halle

3


001 540 505




sb - 200

K







3

Warhafftige neue Zeitung/
Von einer grossen/ vnd
zuuor/ weil die Welt gestanden/ nicht erhör-
ten Wunderthat: Wie Gott der Allmechtige einem ar-
men Menschen/ wonhafft inder Stadt Kaurchim/ im Königreich
Boheim / fünff Meil von Prag gelegen / da er seiner Kinder
hungers halben / bey einer Strassen in der Erden Laim
graben wolte/ gar ein schönes Meel erzeiget hat/
Daraus viel Leut gut Brod gebachen/ auch
Knödel vnd Brey den Kindern gekocht
haben/ In diesem jertlauffenden
1590. Jar / den 22. tag
Majj.



Wer Gott vertraut/
Hat wol gebawt.

